

# POPERA GA COROCHAWA YEXMAGŪXŪ GA YAXŌGŪXŪTANŪWA NAMUXŪ GA PAURU

*Pauru rü nüxŭ narümoxē ga yema yaxōgŭxŭ ga Corochawa yexmagŭxŭ*

1-2 Pa Chaueneēgŭ ya Corochaarŭ Īānewa Ngēxmagŭxex, choma i Pauru rŭ wŭxigu namaā i taeneē i Timutéu nixŭ i pexcèx tanaxŭmatŭxŭ i ñāā popera. Rŭ choxŭ nixŭ ga Tupana ga inamuāchixŭ na guxŭwama nüxŭ chixuchigŭxŭcèx i Ngechuchu ya Cristuarŭ ore. Rŭ pexcèx chanaxŭmatŭ i guxāma i pema ya chaueneēgŭ ya aixcŭma Tupanaārŭ duŭxŭgŭ ixŭgŭxe ya Cristuaxŭ yaxōgŭxe. Rŭ chanaxwèxe i Tanatŭ ya Tupana pexŭ narŭngŭxēē na meā pegŭmaā pemaxèxŭcèx rŭ petaāgŭxŭcèx.

*Pauru rŭ yema yaxōgŭxŭcèx nayumŭxē*

3 Rŭ guxŭguma i ngēxguma pexcèx tayumŭxēgŭgu, rŭ moxē nüxna taxā ya Tupana ya Nanatŭ ya tŕrŭ Cori ya Ngechuchu ya Cristu. 4 Rŭ ngēmaācŭ tanaxŭ erŭ marŭ nüxŭ tacuāchiga na ñuxācŭ aixcŭma meā Ngechuchu ya Cristuaxŭ peyaxōgŭxŭ, rŭ aixcŭma nüxŭ pengechaŭgŭxŭ i guxŭma i ngēma duŭxŭgŭ i Tupanaārŭ ixŭgŭxŭ. 5 Rŭ nüxŭ tacuèxgŭ na ngēmaācŭ meā Tupanapèxewa pemaxèxŭ erŭ penayauxgŭchaŭ i ngēma mexŭgŭ i Tupana

pexŭ namaã nguxŭxŭ i daxŭguxŭ i naãnewa. Rŭ  
 ñuxma rŭ meã ípenanguxẽẽ na penayauxgŭxŭcèx  
 i ngẽma mexŭgŭ yerŭ marŭ nŭxŭ pexĩnŭẽ ga  
 Tupanaãrŭ ore i mexŭ i aixcŭma ixŭxŭ. <sup>6</sup> Rŭ  
 ngẽmatama ore i mexŭ ga pexŭtawa nguxŭ, rŭ  
 guxŭwama nangu i ñuxmax. Rŭ guxŭwama  
 ningŭchigŭ rŭ duŭxŭgŭarŭ maxŭxŭ naxŭchicŭŭ,  
 yema perŭ maxŭxŭ na naxŭchicŭŭxŭrŭŭ ga  
 yexguma nŭxŭ pexĩnŭẽgu rŭ nŭxŭ pecuèxgŭgu  
 na ñuxãcŭ Tupana aixcŭma pexŭ na ngechaŭxŭ  
 rŭ pexŭ rŭngŭxẽẽchaŭxŭ. <sup>7</sup> Rŭ ngẽma ore i  
 mexŭ nixŭ ga pexŭ nangúexẽẽxŭ ga Epáparu  
 ya tomŭcŭ ya nŭxŭ tangechaŭgŭcŭ ya wŭxigu  
 tomaã Tupanaãrŭ orewa puracŭcŭ. Nŭma rŭ  
 Cristuarŭ puracŭtanŭxŭ ya mecŭ nixŭ, rŭ nŭma  
 nixŭ i tochicŭŭ pexŭ nangŭxẽẽxŭ. <sup>8</sup> Rŭ nŭma  
 ya Epáparu nixŭ i tomaã nŭxŭ yaxuxŭ i pechiga  
 na ñuxãcŭ Tupanaãẽ i Üñexŭãrŭ ngŭxẽẽmaã  
 choxŭ pengechaŭgŭxŭ. <sup>9</sup> Rŭ ngẽmacèx i toma  
 ga noxritama pexŭ tacuáchigagu, rŭ taguma  
 nŭxŭ itayarŭngŭmaẽ na pexcèx tayumŭxègŭxŭ.  
 Rŭ guxŭguma Tupanana naxcèx tacagŭ na  
 meã pexŭ nŭxŭ nacuèxèèxŭcèx i ngẽma nŭma  
 nanaxwèxexŭ na penaxŭxŭ. Rŭ nŭxna naxcèx  
 tacagŭ na pexna naxããxŭcèx i nagŭxŭraŭxŭ i  
 cuèx i Naãẽ i Üñexŭwa ne ŭxŭ. <sup>10</sup> Rŭ nŭxna  
 naxcèx tacagŭ na meã tórŭ Cori naxwèxexŭãcŭma  
 na pemaxèxŭcèx rŭ guxŭguma penaxŭxŭcèx i  
 ngẽma nŭma nanaxwèxexŭ. Rŭ nŭxna naxcèx  
 tacagŭ na pexŭ natauxchaxèẽãxŭcèx na togŭxŭ  
 perŭngŭxèègŭxŭcèx rŭ guxŭ i ngunexŭgu  
 yexeraãcŭ Tupanaxŭ pecuáxŭcèx. <sup>11</sup> Rŭ nŭxna

naxcèx tacagü na norü pora i mexêchixümaã pexü naporaexêëxücèx, na namaã peporaexücèx i guxüma i guxchaxügü rü yaxna namaã pexĩnüëxücèx. <sup>12</sup> Rü ñuxüchi tanaxwèxe i taãëácüma Tanatü ya Tupanana moxê pexã, erü nüma pexü nimexêëgü na pema rü ta penayauxgüxücèx i ngêma mexügü i naxütawa ngêxmagüxü i nüma tá nüxna naxãxü i ngêma duüxügü i noxrü ixigüxü. <sup>13</sup> Yerü nüma ga Tupana rü marü Chatanámêxêwa tüxü ínanguxüxêë rü Nane ya nüxü nangechaücümêxêwa tüxü nangêxmagüxêë. <sup>14</sup> Rü guma Nanegagu nixĩ ga tüxü namaxêxêëxü rü tüxü nüxü nangechaüxü ga tórü pecadugü.

*Rü yexguma pecaducèx nayuxgu ga Cristu rü Tupana nügümaã nanangüxmüëxêë ga duüxügü*

<sup>15</sup> Taguma texé Tupanaxü tadau, natürü nüma rü núma nanamu ga Nane na duüxügü nüxü daugüxücèx rü nüxü nacuèxgüxücèx na ñuxãcü na yĩxü i nüma ya Tupana. Rü naxüpa ga guxüma ga tacü i ñuxma ngêxmaxü, rü nüxĩra marü nayexma ga Tupana Nane. <sup>16</sup> Rü Nanexü nixĩ ga namuxü ga Tupana na naxüãxücèx ga guxüma i tacü i ñuxma ngêxmaxü i daxügüxü i naãnewa rü ñoma i naãnewa, rü guxüma i ngêma nüxü idauxü rü ngêma tama nüxü idauxü. Rü yemaãcü nanaxü ga guxüma ga norü orearü ngeruügü i daxüçüãxârü âëxgacügü rü guxüma ga ngoxogüarü âëxgacügü. Rü yemaãcü nanaxü ga guxüma na nüxü yacuèxüügüxücèx. <sup>17</sup> Rü naxüpa i guxüma i tacü i ñuxma ngêxmaxü, rü Cristu rü marü nüxĩra nayexma. Rü nagagu

nixĩ i meã inanuxũ i guxũma erũ nüma nixĩ i namaã inacuáxũ. <sup>18</sup> Rũ nüma ya Cristu rũ naẽru nixĩ i guxũma i ngẽma yaxõgũxũ. Rũ nüma nixĩ ga naxũãxũ rũ nüxna naxããxũ ga maxũ. Rũ nüma nixĩ ga nüxĩra yuwa ínadxũ na guxũãrũ ãẽxgacũ yĩxũcèx. <sup>19</sup> Rũ Cristu rũ Tupanaxũchi nixĩ, yerũ yemaãcũ nanaxwèxe ga Tupana. <sup>20</sup> Rũ Tupana rũ ñoma ga naãnewa nanamu ga Cristu na curuchagu pecaducèx nayuxũcèx. Rũ yemaãcũ nixĩ ga Tupana nügũmaã nangüxmüëxẽxũ ga guxũma i ñoma i naãnewa ngẽxmaxũ rũ guxũma i daxũguxũ i naãnewa ngẽxmaxũ. Rũ yemaãcũ nanaxũ ga Tupana yerũ yemaãcũ nanaxwèxe. <sup>21</sup> Rũ pema ga ũpa rũ tama Tupanamüçügũ pixĩgũ yerũ naxchi pexaie nagagu ga perũ chixexũ ga nagu perũxĩnüexũ rũ pexũxũ. <sup>22</sup> Natürũ i ñũxma ya Tupana rũ nügũmaã pexũ narüngüxmüëxẽ na namüçügũ i mexũ pixĩgũxũcèx. Rũ yemaãcũ nanaxũ ga Tupana ga yexguma Cristu duũxũxũ ixĩxgu rũ curuchawa ngúxũ yangexgu rũ yexma nayuxgu. Rũ yemaãcũ nayu ga Cristu na nügũxũtawaxũ pexũ nagagũxũcèx rũ napẽxewa pimexũcèx rũ nataxuxũcèx i perũ chixexũ. <sup>23</sup> Natürũ ngẽma na pengugũxũcèx, rũ penaxwèxe na guxũguma mea peyaxõgũxũ rũ meã naga pexĩnüexũ rũ taguma nüxũ perũxoexũ i ngẽma norũ ore i mexũ ga marũ nüxũ pexĩnüexũ. Rũ ngematama ore nixĩ i ñũxma nüxũ yaxugũexũ i gúxũ i naanewa.

*Tupana rũ Pauruxũ namu na guxũma ga yaxõgũxũxũ nangũxẽxũcèx*

24 Rū ñuxma na woo pexcèx ngúxŭ chingexŭ rŭ chataãē erŭ nŭxŭ chacuèx rŭ ñaã chaxunemaã choma rŭ ta chayanguxēē ga yema ngúxŭ ga Cristu ingexŭ naxcèx i norŭ duŭxŭgŭ i yaxōgŭxŭ.

25 Rū ñuxma ya Tupana rŭ choxŭ namu na nŭxŭ charŭngŭxēēxŭcèx i guxŭma i ngēma norŭ duŭxŭgŭ i yaxōgŭxŭ. Rŭ perŭ mexŭcèx nixŭ i choxŭ namuxŭ na guxŭwama meã nŭxŭ chixuxŭcèx i norŭ ore. 26-27 Rŭ ngēma Tupanaarŭ ore rŭ ñanagŭrŭ:

“Rŭ Cristu rŭ pewa nangēxma i ñuxmax, rŭ nagaguxicatama nixŭ i pexŭ nangēxmaxŭ i pechica i daxŭguxŭ i naãnewa i ngextá ínamexēchixŭwa”,

ñanagŭrŭ. Rŭ yema nuxcŭmaŭgŭxŭ ga duŭxŭgŭ rŭ tama nŭxŭ nacuèxgŭ ga yemachiga, natŭrŭ ñuxma ya Tupana rŭ norŭ duŭxŭgŭxŭ nŭxŭ nacuèxēē. Erŭ nŭma ya Tupana rŭ norŭ duŭxŭgŭxŭ nŭxŭ nadauxēēchaŭ na ñuxãcŭ poraãcŭ pexŭ nangechaŭxŭ rŭ pexŭ nangŭxēēxŭ i guxãma i pema i tama Yudiŭgŭ ixŭgŭxe. Rŭ ñuxma i pema na woo tama Yudiŭgŭ pixŭgŭxŭ, natŭrŭ pema rŭ ta pexŭ nangēxma i pechica i daxŭguxŭ i naãnewa erŭ Cristuaxŭ peyaxōgŭ. 28 Rŭ ñuxma i toma rŭ Cristuchigaxŭ nixŭ i tixuxŭ. Rŭ ngema ore i Tupanaarŭ cuèx nawa ngexmaxŭmaã nixŭ i guxŭma i duŭxŭgŭxŭ tixucuxēgŭxŭ rŭ tanangŭexēēxŭ na ngemaãcŭ ngearŭ chixexŭãxŭ Cristuxŭtawa tagagŭxŭ. 29 Rŭ ngēmatama puracŭ nixŭ i nawa poraãcŭxŭchima chapuracŭamaxŭ woo tacŭ rŭ guxchaxŭ chauxcèx ínguxgu. Rŭ guxŭma i ngēma pora i Cristu choxna ãxŭ i chowa ngēxmaxŭ nixŭ i choxŭ poraxēēxŭ na chanaxŭamaxŭcèx i

ngẽma puracü.

## 2

<sup>1</sup> Pa Chaueneẽgũx, chanaxwèxe i nüxũ pecuèx na ñuxãcü poraãcü pexcèx chapuracũxũ. Rũ ngẽxgumarũũ ta chanaxwèxe i nüxũ pecuèx na ñuxãcü poraãcü chapuracũxũ naxcèx i ngẽma taeneẽgũ i Laodichéaarũ ñãnewa ngẽxmagũxũ rũ guxũma i petanũxũgũ i taguma choxũ daugũxũ. <sup>2</sup> Rũ ngẽmaãcü poraãcüxũchima chapuracü na nüxũ rũ ta chanangúchaũxẽxũcèx. Erũ chanaxwèxe i guxũma aixcũma nũgũ nangechaũgũ rũ nüxũ nangẽxma i ngẽma mexũ i cuèx i aixcũma ixĩxũ. Rũ ngẽmaãcü tá meãma nüxũ nacuèxgũ ga yema noxri Tupanaxĩcatama nüxũ cuáxũ. Rũ yima rũ Cristutama nixĩ. <sup>3</sup> Rũ nüma nixĩ i nüxũ nangẽxmaxũ i guxũma i cuèx i aixcũma mexũ. Rũ nüma nixĩ i taxcèx nangoxẽẽãxũ i Tupanachiga. <sup>4</sup> Rũ pemaã nüxũ chixu i ngẽma ore erũ tama chanaxwèxe na texé pexũ womũxẽẽgũxũ namaã i tacü rũ ore i chixexũwa pexũ gagũxũ. <sup>5</sup> Rũ woo na tama ngẽma petanũwa changẽxmaxũ, natürũ chauãẽwa rũ poraãcü pegu charũxĩnü. Rũ wũxi i chorũ taãẽ nixĩ na nüxũ chacuáxũ na ñuxãcü meã pegũ ipinuxũ na meã pegũmaã ipecuáxũcèx rũ ñuxãcü tama nüxũ perũxoexũ na Cristuaxũ peyaxõgũxũ.

*Ñuxma na Cristuarũ ixĩgũxũ rũ ngexwacaxũxũ i maxũ tüxũ nangẽxma*

<sup>6</sup> Rũ pema ga noxri rũ meãma tórũ Cori ya Ngechuchu ya Cristuxũ peyauxgũ. Rũ ñuxma rũ yema noxri meãma na penayauxgũxũrũ rũ

name nixĩ i guxũguma nüxna penaxã i perũ maxũ na nüma pexũ namaã inacuáxũcèx. <sup>7</sup> Rũ wüxi i nanetũ nanaxwèxe i naxchúmèxã na nataixũcèx rü na namaxũxũcèx. Rũ ngẽxgumarũũ ta i pema rü penaxwèxe na meã Cristuna peyaxũxgũxũ na meã nawa piyaetanũxũcèx rü meã naxcèx pemaxèxũcèx rü meã nüxũ peyaxõgüamaxũcèx yema noxri Epáparu pexũ ngúexẽegurũũ. Rũ name nixĩ i guxũguma Tupanana moxẽ pexã. <sup>8-9</sup> ¡Rũ naxcèx pexuãëgü i ngẽma duũxũgü i pexũ womũxèëgüchaũxũ! Rũ tama name i nüxũ iperũxĩnüë i ngẽma norü ore i tama aixcüma ixĩxũ rü taxuwama mexũ. Erü ngẽma duũxũgü rü pexũ nangúexèëchaũ na nagu pexĩxũcèx i ngẽma nacümagü ga nuxcümaũgũxũ ga duũxũgü nagu ìxũ. Rũ ñoma i naãneãrũ nguxèëtaegü nixĩ i inaxĩnüëxũ. Rũ tama aixcüma Cristuchiga nixĩ i ngẽma pexũ nangúexèëxũ. Rũ name nixĩ i nüxna pixĩgachi i guxũma i ngẽma nguxèëtaeruũgü i chixexũgü rü Cristuwe perũxĩ. Erü Cristu rü Tupanaxũchi nixĩ rü guxũma i Tupanaãrũ pora rü Cristuwa nangẽxma. <sup>10</sup> Rũ ñuxmax, rü Tupanaãrũ maxũ rü norü pora rü aixcüma pewa nangẽxma erü namẽxwa pengẽxmagü ya Cristu ya namaã icuácü i guxũma i daxũcũãxãrũ ãëxgacügü rü guxũma i ngoxogüarü ãëxgacügü. <sup>11</sup> Rũ ngẽma Yudiugü rü nügü ínawiehèxmüpèxechiraũgü na Tupanapèxewa yamexũcèx. Natürü ngẽxguma Cristuaxũ yaxõgügu rü tama ngẽmaãcü tamaã nanaxü ya Cristu na imexũcèx. Erü nüma ya Cristu rü tórü maxũwa napuracü rü tüxũ ínanguxũxèë nawa i taxüneãrũ ngúchaũgü. Rũ ngẽmaãcü nixĩ i tüxũ yamexèëxũ na Tupanapèxewa imexũcèx.

12 Rū yexguma ípebaiŭgu, rŭ Cristu na itáxŭrŭŭ yexma natèx ga yema nuxcŭmaŭxŭ ga perŭ maxŭ. Rŭ yema Cristu na írŭdaxŭrŭŭ rŭ pema rŭ ta penayaxu i maxŭ i ngexwacaxŭxŭ, yerŭ peyaxŭgŭ na Tupana norŭ poramaã Cristuxŭ írŭdaxèèxŭ. 13 Rŭ ŭpa ga pema rŭ tama aixcŭma pexŭ nayexma ga maxŭ i taguma gŭxŭ yerŭ pepecaduãxgŭ rŭ pexeneãrŭ ngŭchaŭ pexŭgŭ. Natŭrŭ i ñuxma rŭ Cristuxŭ namaxèèxŭrŭŭ pexŭ namaxèèè ya Tupana erŭ Cristuarŭ duŭxŭgŭ pixŭgŭ. Rŭ Tupana rŭ marŭ Cristugagu tŭxŭ nŭxŭ nangechaŭ ga guxŭma ga tŭrŭ pecadugŭ. 14 Rŭ noxri rŭ tachixe yerŭ tama aixcŭma naga taxŭnŭè ga yema mugŭ ga Moíché tŭxna ãxŭ, rŭ tŭrŭ pecadugŭ rŭ yuwa tŭxŭ nagagŭ. Natŭrŭ ga Cristu rŭ curuchagu tŭrŭ pecaducèx nayu, rŭ yemaãcŭ Tupana tŭxŭ nayangutanŭxèè ga yema tŭrŭ pecadugŭ. 15 Rŭ yexguma curuchagu nayuxgu ga Cristu, rŭ yexguma nixŭ ga Chatanáxŭ naporamaèxŭ ga Tupana. Rŭ yexguma nixŭ ga guxŭ ga duŭxŭgŭpèxewa Chatanáxŭ naxãnexèèxŭ ñoma wŭxi i churaragŭarŭ ãèxgacŭ i norŭ uwanŭ i nŭxŭ naporamaèxŭxŭ naxãnexèèxŭrŭŭ.

*Name nixŭ i naxcèx tadaugŭ i ngèma mexŭgŭ i daxŭguxŭ i naãnewa ngèxmagŭxŭ*

16 Rŭ ñuxma rŭ taxucèxma tŭxcŭŭ pexŭ nixu i ngèma Yudíugŭ ega woo tama naxrŭŭ penaxŭxgux. Nŭmagŭ rŭ ñuxre i ònagŭxŭcatama nangŭxgŭ, rŭ ñuxre i axeŭxŭcatama nixaxgŭ, rŭ ñuxre i petaarŭ ngunexŭgŭ naxauregŭ na ngèmaãcŭ Tupanaxŭ yacuèxŭŭgŭxŭcèx. Rŭ nangèxma i norŭ peta i gucŭ ya taunecŭgu



Tupanacèx naxauregüxü rü togü i petagü i gucü ya tauemacügu naxauregüxü. Rü nüxü nangëxma i nacümagü na ñuxácü ngüxchigaarü ngunexügü naxauregüxü. <sup>17</sup> Rü aixcüma yema nuxcümaügüxü ga Yudíugü rü nanaxauregü ga yema nacümagü yerü ga Cristu rü tauta ínangu ga yexguma. Natürü i ñuxma rü marü ínangu ya Cristu rü tórü pecaducèx nayu. Rü ñuxma rü name nixĩ na naga ixĩnüëxü rü tama naga ixĩxü i ngëma nuxcümaügüxü i nacümagü. <sup>18</sup> ;Rü tãütáma naga pexĩnüë i ngëma duüxügü i nüxü ixugüxü na ipeyarütauxexü ega tama daxüçüāx i orearü ngeruügüxü picuèxüügügu! Nümagü rü tama nügü nicuèxüügüneta rü nügü nixugü na yangoxetügüxü. Rü noxrütama cuëxmaāmare nügü nicuèxüügü. <sup>19</sup> Natürü i nümagü rü tama aixcüma naga naxĩnüë ya yima taeru ixĩcü ya Cristu ya tüxü poraexëëcü rü tüxü iyaetanüxëëcü i tórü õwa i guxāma i yixema i norü duüxügü ixĩgüxe. Rü nüma ya Cristu nixĩ i wüxigu tüxü naxĩnüëxëëxü i wüxichigü i yixema ngëma Tupana naxwèxexürüü. <sup>20</sup> Rü yexguma nayuxgu ga Cristu rü yexma nayu ga nuxcümaüxü ga perü maxü, rü yexma nayarüxo ga guxüma ga nuxcümaügüxü ga pecümagü i ñoma i naānecüāx i duüxügü naga rüxĩnüëxü. Rü ngëmacèx i ñuxmax çrü tüxcüü nixĩ i ñoma i naānecüāx maxëxürüü naga pemaxëxü i pemax, rü tüxcüü nixĩ i ngëma Yudíugücümagu pexĩxü? <sup>21</sup> Rü nümagü i Yudíugü rü nüxü nixugüe rü ñanagürügü:

“Tama name i nüxü quingögü i ngëã, rü tama name i cunangõx i yea, rü tama name i cunayaxu i ngëma”, ñanagürügü. <sup>22</sup> Natürü guxüma i ngëma

nacūmagü rü paxa tá inayarüxo erü duūxügüarü nixīgü. Rü ngēma pexū namuxū rü duūxügüarü mugūmare nixī. Rü ngēma pexū nangúexēēxū rü duūxügüarü nguxēētaemare nixī. <sup>23</sup> Rü guxūma i ngēma pexū namuxū rü pexcèx namexcüraxū erü pexū naxucuxēgü na tacü pexauregüxücèx, rü tama pegü picuèxüügüxücèx, rü meã pexenemaã ipecuèxgüxücèx. Natürü guxūma i ngēma mugü rü tama aixcūma pexū narüngüxēē na nüxū perüxoexücèx i pexeneärü ngúchaügü.

### 3

<sup>1</sup> Rü ñuxma i pemax, rü Cristu wena maxüxürüü rü pexū nangēxma i maxū i ngexwacaxüxū. Rü ngēmacèx name nixī i naxcèx pedau i ngēma mexügü i daxüguxū i naãnewa ngēxmaxū i ngextá Cristu rü Tupanaärü tügü necüwawa írütöxüwa rü namaã ãēxgacü íyīxüwa. <sup>2</sup> Rü name nixī i guxüguma nagu perüxīnūē i ngēma daxüguxū i naãnewa ngēxmaxū i ngemaxügü rü tama i ngēma ñoma i naãnewa ngēxmaxū. <sup>3</sup> Yerü yexguma nayuxgu ga Cristu rü yexma nayu ta ga nuxcūmaüxū ga perü maxū. Rü ñuxma rü pexū nangēxma i perü maxū i ngexwacaxüxū erü Cristutanüxū pixīgü rü Tupanamēxēwa pengēxmagü. <sup>4</sup> Rü nūmatama ya Cristu nixī i pexū namaxēxēēxū. Rü ngēxguma wena núma nangoxgu, rü namaã tá pengóe, rü naxrüü tá pimexēchi.

*Marü nüxū tarüxo i nuxcūmaüxū i tacüma i chixexügü rü tanayaxu i ngexwacaxüxū i tóru maxū*

<sup>5</sup> Rū ñuxma rü name nixĩ i nüxũ perüxoe i guxũma i ñoma i naãneãrũ chixexũ i pewa ngẽxmaxũ. Rü tama name i pemẽxna naĩ i ngemaã pemaxẽ, rü tama name i petena naĩ ya yatũmaã pemaxẽ. Rü tama name i penaxü i pexeneãrũ ngúchaũ rü bai i nagu perüxĩnũẽmare. Rü tama name i pexũ nangúchaũ i tacü rü to i chixexũgü. Rü tama name i pegũnaxĩcatama penanuxuchigüchaũ i guxũma i ngẽmaxũgü, erü yixema ngẽma nacüma tüxũ ngẽxmaxẽ rü düxwa namaã tatupanaãx. <sup>6</sup> Rü guxũma i ngẽma chixexũgücèx tá nixĩ i Tupana napoxcuexũ i ngẽma duũxũgü i ngẽmaãcü maxẽxũ rü tama naga ñnüẽchaũxũ. <sup>7</sup> Rü pema ga ũpa rü penaxü ga yema chixexũgü, rü yemaãcü pemaxẽ. <sup>8</sup> Natürü i ñuxma rü name nixĩ i nüxũ perüxoe i guxũma i ngẽma na pegüchi pexaixũ, rü pegũmaã penuẽxũ, rü chixri pemaxẽxũ, rü pegũmaã peguxchigagüxũ, rü guxũma i ngẽma chixexũ i dexa i nüxũ pixuxũ. <sup>9</sup> Rü tama name i pegũmaã pidorae, erü marü ípenatèx ga nuxcũmaũxũ ga pecüma rü guxũma ga yema chixexũgü ga ũpa pexügüxũ. <sup>10</sup> Rü ñuxma rü marü penayaxu i ngexwacaxũxũ i perü maxũ rü ngexwacaxũxũ i duũxũgü pixĩgü. Rü guxũ i ngunexũgu rü Tupana pexũ ningexwacaxũẽẽchigü na yexeraãcü pimexũcèx naxrũ rü yexeraãcü nüxũ na pecuèxgüxũcèx ya Tanatü ya Tupana ya maxũ tüxna ãcü. <sup>11</sup> Rü ñuxma rü Tupanacèx rü nüẽtama nixĩ ega Yudíu quixĩgu rü èxna tama. Rü nüẽtama nixĩ ega ícuwiechèx-müpèxechiraũgu rü èxna tama. Rü nüẽtama nixĩ ega tacü rü nachiũãnecũãx i duũxũ quixĩgu, rü

ěxna tacü rü duũxũ quixĩgu. Rü nüetama nixĩ ega wüxi i coriarü duũxũ quixĩgu, rü ěxna taxúxearüma duũxũ quixĩgu. Erü ñuxma rü ngẽma guxũärü yexera aixcüma tüxũ mexũ nixĩ na Cristu rü guxũärü âêxgacü yĩxũ rü guxãwama nangẽxmaxũ. <sup>12</sup> Rü ñuxma ya Tupana rü pexũ nangechaũ i pema rü pexũ nadei na noxrü pixĩgüxũcèx. Rü ngẽmacèx name nixĩ i guxũguma pexũ nangechaũtümüũgü i togü, rü namaã pemecümagü, rü tauxchaãcüma nüxna penaxã, rü taguma napẽxewa pegü picuèxüxũgü. Rü ngẽxguma woo tacü pemaã naxüxgux rü name nixĩ i yaxna namaã pexĩnüe. <sup>13</sup> Rü name nixĩ i wüxichigü i pema na pegümaã yaxna pexĩnüexũ. Rü ngẽxguma chi texé tacü pemaã üxgux, rü name nixĩ i pegüxũ nüxũ pengechaũgü i ngẽma. Rü yexgumarüũ ga tórü Cori na pexũ nüxũ ngechaũxürüũ, rü name nixĩ i togüaxũ nüxũ pengechaũgü. <sup>14</sup> Rü guxũärü yexera mexũ nixĩ na pegü pengechaũgüxũ. Erü ngẽxguma aixcüma pegü pengechaũgügu rü aixcüma wüxigu tá perüxĩnüe, rü meã pegümaã tá pemaxẽ. <sup>15</sup> Rü name nixĩ na pemaã inacuáxũ i ngẽma taãe i Cristu pexna ãxũ na ngẽmaãcü aixcüma pegü pengechaũgüxũcèx. Yerü yemacèx nixĩ ga Tupana pexũ dexũ na wüxitama i duũxũgü pixĩgüxũcèx rü meã wüxigu perüxĩnüexũcèx. Rü name nixĩ i moxẽ nüxna pexãgü ya Tupana. <sup>16</sup> Rü name nixĩ i guxũguma peãewa nangẽxma i Cristuarü ore rü taãeãcüma naga pexĩnüe. Rü name nixĩ i meã peãexũ pecuáãcüma namaã pegü pengúexẽe rü pegü pixucuxẽgü na ngẽmaãcü pegüaxũ penangúchaũxẽexũcèx. Rü name nixĩ i aixcüma Tupanana moxẽ pexãgüãcüma nagu

pewiyaegü i nagúxŭraŭxŭ i norü wiyaezü. <sup>17</sup> Rü guxŭma i ngēma pexŭxŭ rü nüxŭ pixuxŭ rü name nixŭ i tórü Cori ya Ngechuchuégagu penaxü. Rü name nixŭ i ngēmaäcü Ngechuchuégagu Tanatü ya Tupanana moxē pexāgü.

*Tupana nanaxwēxe na meã namaxēxŭ i duŭxŭgü i Cristuaxŭ yaxōgŭxŭ*

<sup>18</sup> Pa Ngexŭgü i Ātegŭxŭx, rü name nixŭ i petega pexŭnŭē. Erü woetama ngēma nixŭ i mexŭ na penaxŭxŭ erü tórü Cori ya Cristuarü duŭxŭgü pixŭgü. <sup>19</sup> Pa Yatŭgü i Āmaxgŭxŭx, rü name nixŭ i ngŭxŭ pengechaŭgü i pemēxgü. Rü tama name na ngŭmaã pechixecŭmagŭxŭ. <sup>20</sup> Pa Buxŭgŭx, rü name nixŭ i guxŭwama penatü rü peega pexŭnŭē, erü ngēma nixŭ i namaã nataãxŭ ya tórü Cori. <sup>21</sup> Pa Papágŭx, rü tama name i penanuēxēē i pexacŭgü. Erü ngēxguma ngēmaäcü penaxŭxgux rü ngŭrŭächi tá nüxŭ nawextŭmŭŭ i ngēma namaã nüxŭ pixuxŭ. <sup>22</sup> Pa Duŭxŭgŭx i Ixãrŭ Coriãxgŭxŭx, rü name nixŭ i guxŭwama naga pexŭnŭē i perü corigü i ñoma i naãnewa pemaã icuèxgŭxŭ. Rü tama name i pexŭ nadaugŭguxicatama meã pepuracŭe na ngēmaäcü penataãxēxŭcèx. Natŭrŭ name nixŭ i mexŭ i perü ngŭchaŭmaã guxŭguma meã pepuracŭe erü tórü Corixŭ pemuŭē. <sup>23</sup> Rü guxŭma i ngēma perü puracŭ i pexŭxŭwa rü name nixŭ i perü ngŭchaŭmaã penaxü ñoma tórü Cori ya Cristuaxŭ pepuracŭexŭrŭŭ rü tama i duŭxŭgŭaxŭ. <sup>24</sup> Rü marü nüxŭ pecuèx rü daxŭgŭxŭ i naãnewa rü tórü Cori ya Cristu tá pexna nanaxã i perü ãmare i maxŭ i taguma gŭxŭ. Erü yima Cristu ya aixcŭma perü

Cori ixĩcüaxũ nixĩ i pepuracüexũ. <sup>25</sup> Natürü yixema chixexũ üxe rü tá ta tanayaxu i tümaãrũ natanü naxcèx i ngẽma chixexũ i taxüxũ, rü aixcüma Tupana tá tüxũ napoxcu. Erü Tupanapẽxewa rü guxũma i duũxũgũ rü nawüxigu, rü taxucürüwama texé Tupanachèxwa tiña ega chixexũ taxüxgux.

## 4

<sup>1</sup> Rü pemax, Pa Corigüx, rü name nixĩ i perü duũxũgũmaã pemecümagüxũ, rü tama penawomüxẽexũ. ¡Rü nüxna pecuèxãchie na pema rü ta pexũ nangèxmaxũ ya perü Cori ya daxügucü!  
<sup>2</sup> ¡Rü guxũguma peyumüxëgü, rü pexuãëgü na tama chixexũgu peyixüçèx! ¡Rü Tupanana moxë pexãgü!  
<sup>3</sup> ¡Rü toxçèx rü ta peyumüxëgü na Tupana toxũ natauxchaxëxüçèx na nüxũ tixuxüçèx i norü ore i mexũ, rü meãma duũxũgũmaã nüxũ tixuxüçèx i ngẽma ore ga noxri tama nüxũ nacuèxgüxũ i Cristuchiga! Rü ngẽma orecèx nixĩ i ñuxma ichapoxcuxũ.  
<sup>4</sup> Rü chanaxwèxe i chauxçèx peyumüxëgü na meã duũxũgüçèx chanangoxẽexũ i ngẽma ore, erü ngẽma nixĩ i mexũ na chanaxüxũ.  
<sup>5</sup> ¡Rü meã pemaxë napẽxewa i ngẽma duũxũgü i tama yaxõgüxũ! ¡Rü ñuxma na pexũ natauxchaxũ, rü yoxni paxa penaxüx i Tupanaãrũ puracü! ¡Rü taxũ i perüchomarexũ!  
<sup>6</sup> Rü ngexguma togü i duũxũgũmaã pidexagügu, rü name nixĩ i penataãëxëë namaã i ngema dexa i namaã nüxũ pixuxũ. ¡Rü ngemaãcü mea penangaxũ i ngema pexna çèxũ nachiga i perü õ!

*Pauru nanaguxëë ga norü popera rü wenaxãrũ yema duũxũgüxũ narümoxë*

7 Rū nūma ya taeneē ya Tíquicu ya nūxŭ ingechaŭgŭcŭ rŭ aixcŭma choxŭ narŭngŭxēē rŭ wŭxigu chomaã Cori ya Tupanacèx napuracŭ. Rŭ nūma tá pemaã nūxŭ nixu i chauchiga.

8 Rŭ ñuxma rŭ petanŭwa chanamu na pexŭ nataãxēēxŭcèx rŭ pemaã nūxŭ yaxuxŭcèx na ñuxãcŭ toxŭ nangupetŭxŭ i tomax. 9 Rŭ Tíquicumaã petanŭwa chanamu i Onéchimu ya taeneē ya nūxŭ ingechaŭgŭcŭ ya aixcŭma meã Tupanaãrŭ puracŭ ũcŭ. Rŭ nūma rŭ petanŭxŭ nixŭ. Rŭ nŭmagŭ tá nixŭ i pemaã nūxŭ yaxugŭxŭ na ŭacŭ ngupetŭxŭ i nŭma. 10 Rŭ pexŭ narŭmoxē i Aritácu i wŭxigu chomaã poxcuxŭ. Rŭ ngēxgumarŭŭ ta pexŭ narŭmoxē i Marcu i Bernabéeneē ixŭxŭ. Rŭ marŭ pemaã nūxŭ chixu i Marcuchiga na meã penayauxgŭxŭcèx i ngēxguma petanŭwa nanguxgu. 11 Rŭ ngēxgumarŭŭ ta pexŭ narŭmoxē ya taeneē ya Ngechuchu ya Ixaixcŭmacŭgu ãegacŭ. Rŭ ngēma tomaēxpŭx i yatŭgŭ rŭ ngēxŭcatama nixŭ i Yudíugŭ i yaxŭgŭxŭ i wŭxigu chomaã puracŭexŭ i Tupanaãrŭ puracŭwa. Rŭ nŭmagŭ rŭ poraãcŭ choxŭ nataãxēēgŭ. 12 Rŭ ngēxgumarŭŭ ta pexŭ narŭmoxē i Epáparu. Rŭ nūma rŭ petanŭxŭ nixŭ, rŭ aixcŭma nanaxŭ i Cristuarŭ puracŭ. Rŭ nūma rŭ norŭ yumŭxēwa rŭ guxŭguma Tupanaxŭ nacèèxŭ pexcèx na aixcŭma meã pemaxēxŭcèx rŭ peyaxŭgŭamaxŭcèx rŭ aixcŭma penaxŭxŭcèx i ngēma Tupana naxwèxexŭ. 13 Rŭ choma rŭ marŭ nūxŭ chadau rŭ pemaã nūxŭ chixu i ñuxãcŭ Epáparu poraãcŭ pexcèx napuracŭ rŭ naxcèx napuracŭ i ngēma taeneēgŭ i Laodichéaarŭ ñãnewa rŭ Iráporiarŭ ñãnewa ngēxmagŭxŭ. 14 Rŭ Luca ya

duturu ixīcū ya nūxū ingechaūgücū, rü pexū narūmoxē. Rü ngēxgumarūū ta pexū narūmoxē i Dema. <sup>15</sup> ¡Rü chauégagu nūxū perūmoxēgü i taeneēgü i Laodichéawa ngēxmagūxū! ¡Rü ngēxgumarūū ta nūxū perūmoxēgü i Nifa rü guxūma i taeneēgü i yaxōgūxū i napatawa ngutaquēxegūxū! <sup>16</sup> Rü ngēxguma marū nūxū pedaumatūguwena i ñaã popera, rü chanaxwèxe i Laodichéawa penamu na ngemacūāx i taeneēgü rü ta nūxū nadaumatūgūxūcèx. Rü ngēxgumarūū ta i ngēma popera i Laodichéawa chamuxū, rü ngēxguma pexūtawa nanguxgu rü chanaxwèxe i nūxū pedaumatūgü. <sup>17</sup> Rü chanaxwèxe i Ariqueípumaã nūxū pixu, rü ñapegūgü nūxū:

“¡Rü meã napuracü rü yanguxēē i ngēma puracü i tórü Cori cuxna āxū!” ñapegūgü nūxū. <sup>18</sup> Choma i Pauru rü choxmēxmaātama pexcèx chanaxūmatü i ñaã chorü moxē. ¡Rü nūxna pecuēxāchie na chapoxcuxū! Rü chanaxwèxe i Tupana pexū narūngūxēē.

Rü nuãma pexna,  
Pauru



**Tupanaarü Ore i Tóru Cori ya Ngechuchu ya  
Cristuchiga  
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Ticuna

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 22 Feb 2024 from source files dated 29 Jan 2022

9d5dc22a-30be-5d26-85a9-76047f4c89e6